

D E
SACROSANCTA, ET INDIVIDUA
TRINITATE
ORATIO

QUAM HABUIT IN SACELLO PONTIFICIO

IV. KALENDAS JUNII MDCCLXXIV.

AD SANCTISSIMUM D. N.


CLEMENTEM XIV.

ABBAS EMMANUEL GREGORI

PATRITIUS MESSANENSIS,

EX MARCHIONIBUS SCYLLACEI, ET CONVICTOR

COLLEGII CLEMENTINI.



ROMÆ MDCCLXXIV.

EX TYPOGRAPHIA CRACAS
SUPERIORUM FACULTATE.

SECRET


CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL



CONFIDENTIAL

)x III)x(

BEATISSIMO PATRI

Ac Domino Nostro

CLEMENTI XIV


EMMANUEL GREGORI

FELICITATEM.



*Ommodum mihi accidit, BEATIS-
SIME PATER, ut quam de Sanctif-
sima, individuaque TRINITATE
habui Orationem coram te, Sacro-
que tuo Senatu, eam Typis confi-
gnatam tu a me tibi offerri sinas,
muneris cujusdam instar, sane tenuissimi. Hujus
namque ope, quidquid id est, aut qualecumque, vi-
deo peropportunam mihi latam esse occasionem signifi-
canda palam non tam nomine meo, quam totius
Collegii Clementini, quod in tui unius est Clie-
ntela, gratulationis ob eas res maximas, quibus tute
demeruisti tibi jamdudum universam Christianam Rem-
publicam, nedum Ditionem banc tuam, tuumque
hocce pacatissimum Imperium. Ferreus enim sit opor-
tet qui, cum Urbs tota, ac totus pene Orbis gestire
letitia videatur de tuis tam præclare, tam sapien-
ter, tam salubriter gestis hoc lustro jam exacto, auf-
picatissimoque Summi Pontificatus tui, obmutescat sâ-*

lento ineptissimo, neque debita letitiae signa dare, quaecumque possit, cum est facultas, contemnat ingratus. Hoc me vitio, meosque laborare in praesens ut quisquam arguat, aut suspicetur non ego committam. Et quum multa mihi suppetere intelligam tuarum laudum praeclarissimarum argumenta, quarum commemoratione illustriorem facere possim in ipsa Operis fronte Orationem hanc meam; haec tamen omnia praeteribo libenter. Atque illud unum maxime in tuorum recte factorum patrimonio collocandum esse jure affirmabo, quod Orbis Christiani Pacificator audias apud Omnes, quos inter pervagata est jampridem fama ingens cum pietatis ejus, quae deceat Petri Successorem in Christi Ecclesia gubernanda, tum prudentiae, consilii, dexteritatis tanta, quantam reposcere videbantur turbata Reipublicae tempora, quibus tu tranquillitatem reddideris, animique ab dissidiis, et contentione ad pacis studium revocati. Itaque eo nomine, et Gentium omnium concursum in dies gratulationem, et Ingeniorum monumenta, egregia quidem, in lucem edi quotidie sub auspiciis tuis, artiumque optimarum, quae summum etate hac nostra in te uno praesidium habent constitutum, Specimina non quaecumque evulgari videmus magno cum sacre, profanaeque eruditionis emolumento. Eo et ipse nomine, omnesque Collegae mei gratulamur tibi ex animo, in hac festa, letissimaque Divina TRINITATIS luce, haec maxima, et tanta dona, quae ab ejusdem Trinitatis Numine provenerunt tibi ad Ovium tuarum tutamentum, tuorumque Subditorum felicitatem, Pastorum Maxime, idemque Princeps Clementissime. Tu, quae tua est in omnes benignitas, et clementia, haec animorum nostrorum sensa comiter excipias, ut soles; nobisque omnibus impartiaris paternam tuam, atque Apostolicam Benedictionem.



ORATIO



UM omnium Christianæ, æternæque Religionis Mysteriorum BEATISSIME PATER summum illud, atque princeps semper extiterit : Deum unum natura, Trinum hypostasi credi ab omnibus oportere, qui semel traditæ Sanctis Fidei regulam rectissimam tenere velint ; tum certe profunda inter ejusdem divinæ TRINITATIS arcana, profundissimam esse fateamur necesse est Beatorum omnium electionem ad ipsius beatissimæ TRINITATIS conspectum ineffabilem, ac sempiternum. Atque inde plane est, quod mente percussum, arcanique majestate contreritum audivimus nuper Apostolum exclamantem ! *O altitudo divinarum Sapientiæ, et Scientiæ Dei ! Quam incomprehensibilia sunt judicia ejus, et investigabiles viæ ejus !* (a) Quis enim hominum altitudinem,

A 3

hanc,

(a) ad Rom. xi. v. 33.

hanc, tamquam Mare latissime patens, sic tenui ingeniorum cymba tentare, nedum transmittere sit ausus? aut quis Angelorum intellectu se deprehendere posse arbitretur sensum Domini, ejusque consilium, quod tempus omne excedit æternitate, quod superat intelligentia omnium mentium facultatem? Atqui illud ego tamen affirmare jure posse confido, quod ejusdem inextricabilis licet, arcani meditatio, ubi illud propius aliquanto inspicere velimus, Divinis Scripturis facem præferentibus, tantam afferat lucem Christianis omnibus ad morum sive emendationem, sive emolumentum, ut hinc maximus existat in eandem Deitatis TRINITATEM, cujus hodie diem festum agimus, Fidelium cultus, et obsequium. Quod quam vere a me dictum sit, attende quæso, quamdiu explicatis breviter ea super re ex Patrum sententia Scripturarum testimoniis, id, quod proposui, luce clarius, aut ego fallor, patere intelligatur.

Præclare omnino, aptissimeque ad rei propositæ argumentum scriptum est a Salomone sapientissimo: *Funiculus triplex difficile rumpitur* (a) Id, quod de Amicorum societate eo loci stabili, ac firma, nec facili negotio dissolvenda secundum litteram dictum esse agnoscunt verborum Dei enarratores; age altiori, ac mystico sensu intelligamus esse pronunciatum cum Hieronymo (b) de sacrosancta, individuâque TRINITATIS in juvandos homines societate. Quis enim Patre amicior nobis, de cujus amicitia testem, atque adsertorem habemus charissimum Patris ejusdem

uni-

(a) Ecclesiastes IV. v. 12.

(b) Comment. in hunc loc. Tom. v. p. 31. Edit. Paris. 1579.

unigenitum, qui dixit: *Ipse Pater amat vos?* (a) Quomodo autem non diligit Homines Spiritus Sanctus Charitatis, quam diffusam habemus per eundem Spiritum in cordibus nostris? (b) Nam Christi Jesu, qui animam suam posuit pro amicis suis, idest nobis, nosque ipsos non servos, sed amicos appellavit, non opus est multis verbis grandem, quaque major nulla extitit, amicitiam commemorare. Triplicem itaque funiculum habemus, qui nedum difficile, sed ne fieri quidem potest, ut disrumpatur uspiam, siquidem eo, quod sperare omnino fas est, extiterimus illigati: funiculum e Cœlo demissum, quo cingantur suavissime, quo irretiti veniant indeclinabiliter, quo a malis beneficiorum præparatione, eruantur certissime, quo ad TRINITATIS conspectum trahantur liberrimè quotquot veniunt, quotquot liberantur; quotquot pertrahuntur. ab ipsamet omnipotenti TRINITATE.

Admirandum hoc divinæ attractionis Mysterium tam late patet in divinis Scripturis, ut initio monui, quam quod maxime. Attendamus primum, si placet, unamquamque Summæ TRINITATIS Personam funiculo quodam suo, ut ita dicam, pertrahentem, ut triplici deinde connexo veluti fune, totam agnoscamus TRINITATEM attractricem invictissimam. *Nemo potest venire ad me*, inquit Veritas, *nisi Pater qui misit me traxerit eum*. (c) Trahit Pater, ut verbis utar Magni Augustini, Veritatis, Justitiæ, Beatitudinis delectatione (d) En funiculum Patris. Veritas enim, quæ tot Sæculis labentibus usque ad nubes (e)

tan-

(a) Joan. xvi. v. 27. (b) Rom. v. v. 4. (c) Joan. vi. v. 44.
(d) In Joan. Tract. xxvi. n. 11. (e) Psal. xxxvi. v. 6.

(o(VIII)o(

tantummodo pertingebat, quum advenit temporum plenitudo inclinavit Cælos, & descendit ad Homines; immo de Terra veritas ipsa oriri visa est. Justitia quin ipsa quoque cum de Homi- nibus sollicita prospexisset de Cælo, ita e Cæ- lis, atque nubibus demissa est ad nos a Patre, ut tamquam imbrem serotinum sic Nubes pluerent Justum, & Matutinum Cæli desuper irrorarent. Sed & Beatitudine nullum aptius, nullumque fortius vinculum ab excelsa Patris sede delap- sum est ad ima Terrarum. Quid est enim ipsa beatitudo, nisi Christi sui voluptas ineffabilis, qua Pater ad sese alliceret Homines, quos præsci- vit, atque elegit in ipso ante Mundi constitu- tionem? Parum dico. Torrens est voluptatis, quo potantur, immo quo inebriantur uberrime ii omnes, qui confusione, atque morte cum Chri- sto, et pro Christo contempta, cum delectatione ab eodem torrente voluptatis ad magnum, spa- tiosumque Mare trahuntur, ubi jam non sitiant in æternum. O veritatis vis! O Justitiæ fræn- num! O æternum gloriæ pondus! O Beatitudi- nis momentum, quo venire nos jubet, immo quo nos delectatione sua ad veritatem, Justitiam Beatitudinem, quod est Christus, trahit Pater, qui misit eum!

Sequitur, ut quomodo Coæternus Patri Fi- lius et ipse virtute sua quos ipsi dedit Pater at- trahat ad sese, videamus. Ego, inquit ipse aper- tissime, *cum exaltatus fuero a Terra, omnia tra- ham ad me ipsum.* (a) Itane omnia! Quid hocce rei est increata Veritas? Si omnia trahis ad te ip- sum, illud qua ratione consistet, quod non se- mel

(a) Joann. xii. v. 32.

mel comminatus es per sanctos Prophetas tuos :
Projiciam vos a facie mea ; (a) projiciens repulisti
nos (b) et : Excussisti impios de Terra ? (c) sed absit
 ullum vel minimum mendacii vestigium ab il-
 lius verbis, in cujus ore dolus numquam inven-
 tus est. Quæ igitur sunt omnia, quæ trahet ad
 se ipsum Christus exaltatus a Terra,, Nisi ea,
 „ inquit Augustinus, (d) ex quibus Princeps Mun-
 „ di eiicitur foras? Non autem dixit omnes, sed
 „ omnia; non enim omnium Fides. Non ita-
 „ que hoc ad universitatem Hominum retulit,
 „ sed ad Creaturæ integritatem. „ Trahit ergo
 Filius integram ad sese Creaturam. Cumque e-
 jusdem Creaturæ integritatem in eo noverimus
 esse sitam, quo intelligimus, idest *Spiritus*; in eo,
 quo vivimus, scilicet *Anima*; in eo denique, quo
 visibiles, & contrectabiles sumus, *Corpus* videli-
 cet: Verbum, quod missum est a Patre, et sa-
 navit nos; Spiritum nostrum ab errore ad veri-
 tatem, Verbi anima nostram Animam a morte
 ad vitam; Caro Verbi Carnem nostram a cor-
 ruptione traxit, traduxitque ad integritatem.
 Suavissima prorsus, et charitatis plena ratio, qua
 omnia ad se elatum e terra traxit. Dominus for-
 tissimo, et ineluctabili nexu dilectionis suæ, quo
 nobis Fratribus suis sine peccato per omnia assi-
 milatus est! Superest, ut Sanctum Spiritum per
 sese ad Patrem, et Filium Electos Dei trahen-
 tem consideremus. Spiritus Patris, et Filii, quo
 inspirante loquuti sunt Sancti Dei Homines, de
 se ipse testatur per Osæam Prophetam (e): *In*
funi-

(a) *Jerem.* viii. v. 15., et xxiii. v. 35.

(b) *Thren.* v. v. 1.

(c) *Job.* xxxviii. v. 13.

(d) *In Joan. Tract.* l. l. num. 11.

(e) *Osée* xi. v. 4.

funiculis Adam traham eos, in vinculis Charitatis.
 Vel si mavis legere cum Græcis; postquam paulo ante dixit: (a) *Et ego compediui Ephraim*, paucis interjectis: *Extendi*, inquit *eos in vinculis Charitatis meæ*. Cujusmodi vero sunt isti funes Adam, quibus colligati, et compediti sumus a Spiritu Sancto Dei? Quæ sunt vincula Charitatis Divinæ, quibus ipse attraxit nos in dilectione perpetua, miserans nostri? Audi Doctorem Maximum Hieronymum Vatis verba egregie interpretantem: (b) „Curavi eos, inquit ex Dei persona, „propter funiculos, et vincula Charitatis, quibus mihi Abraham, Isaac, et Iacob astrinxeram. Pronum est autem intelligere Deum sibi astrinxisse Abraham vinculo fidei, quo traxit eum de Cognatione sua in Terram visionis, in qua videret diem Christi, et gauderet: copulasse sibi Isaac in spe cælestis benedictionis, eo quod in ipso vocatum sit Abramo Parenti suo semen, in quo benedicerentur Nationes: dilexisse denique Jacob funiculum hæreditatis suæ. Quapropter fide, spe, et charitate quasi vinculis suis, sic trahit Spiritus Domini Filios Columbæ, quos ipse novit; ut quos antea contractos velut perfidiæ frigore invenit, fidei calore distenderet; et eos, qui quidem non intellexerant, quod patientia Dei operatur probationem, et spem, quæ non confundit, ligatos per patientiam eandem suis veluti brachiis contineret, et portaret in humeris suis; quosque demum repugnantes, & rebelles offenderat, vinculis adstringeret dilectionis suæ,

(a) LXX. *Habent*: ἡ ἐγὼ συνέσχευον τὸν Ἐφραὶμ . . . ἐπέσχευον αὐτὸν ἐν ἀγαπῇ καὶ ἀγαπῇ μου.

(b) *Comment. in Osæ Lib. 3, pag. 155. Edit. sup. cit.*

suæ; cunctantesque in obsequendo sibi alapis quibusdam, ceu Pater Filios excitaret, castigando, et flagellando receptos, et venientes ad se ita, ut verberati leniter Filii respicientes ad Patrem, et clamantes ad Dominum de peccati, Legisque servitute emancipati, facti Justitiæ Servi vindicarentur in Dei Filiorum libertatem. Sed quid miramur, Sanctum Dei Spiritum allicere, atque trahere ad sese Sanctos suos, cum magis multo sit illud admirandum, quod non modo accersat, non modo pertrahat, sed impellat, sed urgeat inspirationis suæ pondere prorsus divino? Quod si res non ita se haberet, essetne cur Dominus tantopere Nicodemo ingereret Spiritus vim, et libertatem, quum dicit: (a) *Spiritus ubi vult spirat, et vocem ejus audis; sed nescis unde veniat, aut quo vadat?* Id, quod de Spiritu Sancto, non de Aeris hujusce nostri elemento intelligendum esse omnino confirmant Doctores summi Ambrosius, (b) et Augustinus (c) Essetne cur Apostolus Corinthiis se à Spiritu Sancto urgeri tam aperte asseveraret, quum eisdem scribit: (d) *Charitas Cbristi urget nos?*

Confectum est igitur, ni fallor, quod initio susceperam demonstrandum. Discimus ex utriusque Fæderis veritate Patrem trahentem, cum docendo delectat; Verbum Patris trahens et ipsum, quum perfecte ad sui imaginem integrat rationalem Creaturam, Spiritum Patris, et Verbi Charitatis suæ vinculis trahentem dicam, an spiramine suo ineluctabili impellentem, atque urgentem? Cumque illud alterum verissime fateamur,

mur,

(a) Joan. III. v. 8.

(b) De Fide Lib. II. c. 3.

(c) In Joan. Tract. XII. n. 7.

(d) II. ad Cor. v. v. 14.

mur, quousque operatur Pater, et Filium operari; et quæcumque facit Pater, hæc et Filium similiter facere (a): Spiritum autem, qui a Patre procedit, de Christo accipere, teste eodemmet Christo (b): jam reliquum est, inseparabilia esse totius Sanctæ TRINITATIS opera; atque adeo hinc licere totam æstimare Trinitatem ad sese trahentem beatissimos, quos ipsa abditissimo proposito voluntatis suæ selegit, suimet ipsius comprehensores.

O magnam Gratia commendationem! Liceat hic mihi exclamare cum Augustino „Nemo „venit nisi tractus. Quem trahat, et quem non „trahat, quare illum trahat, et illum non trahat, „noli velle judicare, si non vis errare. Nondum „traheris? Ora, ut traharis, „Utique ad te conversi, adoranda TRINITAS Deus noster, oramus, ut nos omnes trahas post te. Fatemur cum eodem piissimo Gratia tuæ Doctore Augustino (c) magna opus esse gratia, ut cum omnibus erroribus, amoribus, terroribus suis vincatur hic Mundus. Nunc, pro tua in nos tui adoratores misericordia, et clementia, trahe nos invictissime ab errore ad veritatem, ab nostris amoribus ad tui charitatem, de terroribus Sæculi ad æternam Regni tui pacem, et suavitatem (d), O aterna Veritas, o vera Charitas, o chara Æternitas!

(a) Joan. v. v. 17. et 19. (b) Joan. xvi. v. 14.

(c) De Corrept., et Gratia G. xii. n. 35.

(d) Confess. Lib. vii. C. 10.